

1. Gaia 5

Aplikazio Lineal Baten Heina. Matrize Baten Heina

1

Definizioa 5.0.1. *Izan bedi $f \in L(V, V')$ aplikazio lineala. f -ren heina, $\text{rg}(f)$ denotatuko duguna, $\text{Im}f$ azpiespazioaren dimentsioa da.*

Gogoratu, $V = \langle v_1, \dots, v_n \rangle$ bada orduan $\text{Im}f = f(V) = \langle f(v_1), \dots, f(v_n) \rangle$ dela beraz $\text{rg}(f) = \dim \langle f(v_1), \dots, f(v_n) \rangle$ da.

Definizioa 5.0.2. *Izan bedi $A = (a_{ij}) \in M_{m \times n}(IK)$ matrizea. Denotatzen dugu:*

(i) $A_{(i)} = (a_{i1} : a_{in})$ A -ren i garren lerroa, $1 \leq i \leq m$.

(ii) $A^{(j)} = (a_{1j} : a_{mj})$ A -ren j garren zutabea, $1 \leq j \leq n$. Froga daiteke $\dim \langle A_{(1)}, \dots, A_{(m)} \rangle = \dim \langle A^{(1)}, \dots, A^{(n)} \rangle$ dela. Balio amankomun hau A -ren heina deitzen da eta $\text{rg}(A)$ moduan adieraziko dugu.

Adibidea. 1.- $\text{rg} \begin{pmatrix} 1 & 0 & 0 \\ 0 & 1 & 1 \\ 1 & 1 & 1 \end{pmatrix} = 2$.

2.- $\text{rg}(I_n) = n$.

¹OCW Proiektua. Txomin Ramirez eta M. Asun Garcia

2

$$3.- \operatorname{rg} \begin{pmatrix} I_r & 0 \\ 0 & 0 \end{pmatrix} = r. \quad \blacksquare$$

Teorema 5.0.3. *Izan bitez V eta V' n eta m dimentsioko IK espazio bektorialak, β_V eta $\beta_{V'}$ V eta V' en oinarriak izanik. Orduan:*

$$\operatorname{rg}(f) = \operatorname{rg} M_{\beta_V}^{\beta_{V'}}(f).$$

Frogapena. Demagun $\beta_V = \{v_1, \dots, v_n\}$ eta $\beta_{V'} = \{v'_1, \dots, v'_m\}$ direla. Definitzen dugu hurrengo aplikazioa:

$$\begin{array}{ccc} \varphi : V' & \rightarrow & M_{m \times 1}(IK) \\ & & \begin{pmatrix} 1 \\ 0 \\ \vdots \\ 0 \end{pmatrix} \\ v'_1 & \mapsto & \\ & & \vdots \\ \vdots & \vdots & \vdots \\ & & \begin{pmatrix} 0 \\ 0 \\ \vdots \\ 1 \end{pmatrix} \\ v'_m & \mapsto & \end{array}$$

Argi eta garbi φ isomorfismoa da. Bestalde, $\operatorname{rg}(f) = \dim \langle f(v_1), \dots, f(v_m) \rangle$ da. $\langle f(v_1), \dots, f(v_m) \rangle$ V' en azpiespazioa denez eta φ aplikazio lineala:

$$\varphi(\langle f(v_1), \dots, f(v_m) \rangle) = \langle \varphi(f(v_1)), \dots, \varphi(f(v_m)) \rangle$$

eta hau $M_{m \times 1}(IK)$ -ren azpiespazioa da. Baina φ isomorfismoa denez azpiespazioen dimentsioa mantentzen da. Beraz, $\operatorname{rg}(f) = \dim \langle \varphi(f(v_1)), \dots, \varphi(f(v_m)) \rangle$ da. φ aplikazioaren definizioa begiratzten badugu azken azpiespazio hau $M_{\beta_V}^{\beta_{V'}}(f)$ matrizearen zutabeek osatzen duten azpiespazioa da beraz dimentsioa elkartutako matrizearen heina da. \blacksquare

Ondorioa 5.0.4. *Izan bedi $f \in L(V, V')$ r heineko aplikazio lineala. Orduan f -ri elkartutako matrize guztiak r heinekoak dira.*

Teorema 5.0.5. *Izan bedi $f \in L(V, V')$ r heineko aplikazio lineala. Orduan existitzen dira β_V eta $\beta_{V'}$ V eta V' en oinarriak non:*

$$M_{\beta_V}^{\beta_{V'}}(f) = \begin{pmatrix} I_r & 0 \\ 0 & 0 \end{pmatrix}$$

²OCW Proiektua. Txomin Ramirez eta M. Asun Garcia

3

Frogapena. Demagun $\dim V = n$ dela. Orduan $\dim \text{Ker } f = \dim V - \dim \text{Im } f = n - r$. Izan bedi $\beta_{\text{Ker } f} = \{v_{r+1}, \dots, v_n\}$ $\text{Ker } f$ -ren oinarri bat. Luzatzen dugu V -ren oinarri bateraino $\beta_V = \{v_1, \dots, v_r, v_{r+1}, \dots, v_n\}$ lortuz, ohartu $\text{Ker } f$ -ko oinarria osatzen duten bektoreak bukaeran jarri ditugula!!!

Gogoratu $\{f(v_1), \dots, f(v_r), f(v_{r+1}), \dots, f(v_n)\}$ $\text{Im } f$ -ren sistema sortzailea dela. Kasu honetan, v_{r+1}, \dots, v_n $\text{Ker } f$ -ko bektoreak direnez $\{f(v_1), \dots, f(v_r)\}$ bektore sistema izango dugu. f -ren heina r denez sistema sortzailea izateaz gain $\text{Im } f$ -ren oinarria da. Luzatzen dugu V' -en oinarri bateraino $\beta_{V'} = \{f(v_1), \dots, f(v_r), v'_{r+1}, \dots, v'_m\}$ lortuz, ohartu $\text{Im } f$ -ren oinarria osatzen duten bektoreak hasieran jarri ditugula!!.

Orduan lortu ditugu:

$$\beta_V = \{v_1, \dots, v_r, v_{r+1}, \dots, v_n\} \quad \beta_{V'} = \{f(v_1), \dots, f(v_r), v'_{r+1}, \dots, v'_m\}$$

V eta V' oinarriak non elkartutako matrizea $\begin{pmatrix} I_r & 0 \\ 0 & 0 \end{pmatrix}$ den. ■